



Broj: 05-04-594/21

Mostar, 14.04.2021. godine

Na osnovu člana 7. i 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03 i 34/03), člana 21. Zakona o pozorišnoj djelatnosti („*Službene novine Hercegovacko-neretvanskog kantona*“ 6/05), Odluke o prihvatanju dijela osnivačkih prava Ustanove Narodnog pozorišta u Mostaru („Službene novine HNK“, broj 04/13), te člana 16. Statuta JU „Narodnog pozorišta u Mostaru“ („Službene novine HNK“, broj 10/13) ministar obrazovanja, nauke, kulture i sporta Hercegovacko-neretvanskog kantona **raspisuje**

JAVNI OGLAS

za imenovanje predsjednika i članova

Upravnog odbora JU „Narodnog pozorišta u Mostaru“

Objavljuje se Javni oglas za imenovanje predsjednika i članova Upravnog odbora JU „Narodnog pozorišta u Mostaru“ kojem su osnivači **Hercegovacko-neretvanski kanton i Grad Mostar**, kako slijedi:

- Predsjednik **Upravnog odbora** – predstavnik Osnivača..... jedan (1) član
- Članovi **Upravnog odbora**– predstavnici Osnivača.....dva (2) člana

Nadležnost Upravnog odbora JU „Narodnog pozorišta u Mostaru“ propisana je Zakonom o ustanovama i podrazumijeva:

- donošenje statuta JU „Narodnog pozorišta u Mostaru“,
- imenovanje i razrješavanje direktora,
- utvrđivanje planova rada i razvoja,
- utvrđivanje godišnjeg programa rada i repertoarskog plana,
- donošenje finansijskog plana i usvajanje godišnjeg obračuna,
- donošenje Pravilnika o unutarnjoj organizaciji rada i sistematizaciji radnih mjesta i drugih općih akata,
- odlučivanje o svim pitanjima obavljanja djelatnosti radi kojih je JU „Narodno pozorište u Mostaru“ osnovano ako Zakonom, Pravilima ili drugim propisima nije utvrđeno da o određenim pitanjima odlučuje drugi organ JU „Narodnog pozorišta u Mostaru“,
- usmjeravanje, kontroliranje i ocjenjivanje rada direktora,
- odgovaranje osnivaču za rezultate rada JU „Narodnog pozorišta u Mostaru“,
- rješavanje u drugom stepenu po žalbi na odluke direktora,
- podnošenje osnivaču najmanje jedanput godišnje izvještaja o poslovanju JU „Narodnog pozorišta u Mostaru“,
- rješavanje svih pitanja odnosa sa Osnivačima,
- odgovaranje Osnivačima za rezultate rada Ustanove,

- odlučivanje o statusnim promjenama, promjenama djelatnosti i sjedišta, uz saglasnost Osnivača,
- imenovanje i razrješavanje stručnih tijela, privremenih komisija i drugih radnih tijela,
- donošenje Odluke o službenoj tajni i
- vršenje i drugih poslova u skladu sa Zakonom i Statutom Ustanove

Svi kandidati moraju ispunjavati sljedeće opće i posebne uslove:

A. OPĆI USLOVI:

- a) da su državljani Bosne i Hercegovine
- b) da su stariji od osamnaest (18) godina
- c) ovjerenu izjavu da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja upražnjene pozicije
- d) da nisu osuđivani za krivično djelo i privredni prijestup
- e) da nisu stariji od 65 godina na dan imenovanja
- f) ovjerenu izjavu kandidata da nisu na funkciji u političkoj stranci u smislu člana 5 Zakona o ministarskim, vladinim i drugim imenovanjima Federacije Bosne i Hercegovine
- g) ovjerenu izjavu da nisu članovi organa zakonodavne, izvršne vlasti ili savjetnici u smislu Zakona o sukobu interesa u institucijama vlasti Bosne i Hercegovine ("Službeni glasnik BiH" broj 16/02 i 12/04)
- h) ovjerenu izjavu da nemaju privatni finansijski interes u reguliranom tijelu u koje se kandidira.

B. POSEBNI USLOVI:

- a) visoka, viša ili srednja stručna sprema IV. – stepen (istaknuti kulturni, obrazovni i javni djelatnici)
- b) najmanje 3 godine radnog iskustva nakon sticanja visoke, više ili srednje stručne spreme, na poslovima u okviru svog zanimanja
- c) ovjerenu izjavu da nisu članovi upravnog ili nadzornog odbora u više od jednog pravnog subjekta
- b) rezultati rada ostvareni tokom prethodnog radnog angažmana
- c) komunikativne i kreativne sposobnosti za savjesno i odgovorno obavljanje dužnosti.

Uz prijavu na javni oglas kandidat je dužan priložiti:

- biografiju, adresu i kontakt telefon
- dokaz o ispunjavanju uslova oglasa u originalu ili ovjerenu kopiju:
 - a) uvjerenje o državljanstvu ne starije od 6 mjeseci,
 - b) uvjerenje o nevođenju krivičnog postupka od nadležnog kantonalnog suda
 - c) ovjerenu kopiju diplome,
 - d) uvjerenje o radnom iskustvu u struci.

Svi kandidati liste s užim izborom bit će pozvani na intervju. Izbor i imenovanje člana upravnog odbora vrši se na period od četiri (4) godine s mogućnošću ponovnog imenovanja.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Prilikom pozivanja na intervju, svaki kandidat koji uđe u uži izbor dobit će obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Visinu naknade za rad članova upravnog odbora utvrđuje osnivač **JU „Narodnog pozorišta u Mostaru“** i ista se isplaćuje iz sredstava ustanove.

Bilo koji kandidat ili bilo koja druga osoba-član javnosti, slobodna je podnijeti prigovor na konačno imenovanje, ako vjeruje da u procesu imenovanja nisu poštovani principi utvrđeni Zakonom o ministarskim, vladinim i drugim imenovanjima Federacije Bosne i Hercegovine. Prigovor se podnosi istovremeno ministru obrazovanja, nauke, kulture i sporta HNK i Ombdusmenu Federacije Bosne i Hercegovine (kopije).

Javni oglas ostaje otvoren 15 dana od dana objavljivanja na web stranicama Vlade HNK i Ministarstva obrazovanja, nauke, kulture i sporta HNK, a Obavijest o Javnom oglasu će biti objavljena u dva dnevna lista.

Prijave sa svim traženim dokumentima dostaviti lično ili preporučeno poštom na adresu:

Ministarstvo obrazovanja, nauke, kulture i sporta
Hercegovačko-neretvanskog kantona
MOSTAR, ulica Stjepana Radića br.3.
uz naznaku

Prijava na javni oglas za izbor i imenovanje predsjednika i članove Upravnog odbora JU „Narodnog pozorišta u Mostaru“

Neppravovremene i nepotpune prijave neće biti razmatrane.

MINISTAR

dr.sc. Rašid Hadžović